

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होर अज्ज जम्मू कश्मीर च कोई डेढ ज्हार करोड़ रपे कोला मती लागत आलियं विकास परियोजनाएं चा किश दा उदघाटन करगंन ते किश दा नीह पत्थर रक्खगंन।
- पुलसै 9 जून गी रियासी च होए दे आतंकवादी हमले जेह्दे च 9 श्रद्धालुएं दी मौत होई गई ही, आले मामले च आतंकवादियं दे इक मददगार गी गिरफ्तार कीता ऐ।
- बारामुला च छिड़े दे इक टाकरे च सुरक्षा बलें दऊं आतंकवादियं गी मारी मकाया, दऊं सुरक्षाकर्मीं घायल।
- जम्मू दे डिवीजनल कमीशनर रमेश कुमार होरें यात्री सुविधा केन्द्र लखनपुर च औं दे श्री अमरनाथें दी यात्रा लेई तैआरियं दा जायजा लैता।

<><><><><><>

PM-Modi

प्रधानमंत्री नरेन्द्र मोदी होर अज्जै थमां दऊं दिनें दे दोरे पर जम्मू कश्मीर आ'रदे न। जिस दरान ओह डेढ ज्हार करोड़ रपे दियं विकास परियोजनाएं दा नीह पत्थर ते उदघाटन करगंन। प्रधानमंत्री होर श्रीनगर च नोजवानें गी सशक्त करने ते जम्मू कश्मीर च बदलाव आन्नने लेई आयोजित इक कार्यक्रम च शामिल होंगन। मोदी होर 2 ज्हार थमां मते नोजवानें गी जिंदियां हाल च नौकरियां लगियां न, उनें गी नियुक्त पत्र तकसीम करगंन। मोदी होर 1 ज्हार 8 सौ करोड़ रपे दी कृषि सुधार लेई मकाबलेबाजी आली परियोजना दी बी शुरूआत करगंन कल 21 जून गी प्रधानमंत्री 10में अंतर्राष्ट्रीय योग दिवस दे मौके आयोजित समारोहें दी अगुवाई, श्रीनगर थमां करगंन। ओह उत्थें लोआए जाने आले शिविर च हिस्सा लेंगन ते मजूद लोकें गी संबोधत बी करगंन।

<><><><><><>

LG-Sinha Modi

उपराज्यपाल मनोज सिन्हा होरें अंतराष्ट्रीय योग दिवस दी अगुवाई श्रीनगर थमां करने दे प्रधानमंत्री नरेन्द्र मोदी हुंदे फैसले पर मता उत्साह ते आभार प्रगट कीता ऐ। उनें आखेआ जे एह जम्मू कश्मीर लेई बड़ी मानै आली गल्ल ऐ जे मुख्य भरै च लोआए जाने आले योग शिविरें दी अगुवाई ऐकती जम्मू कश्मीर करा करदा ऐ। उनें आखेआ जे इस मौके 7 जहार कोला मते लोक डल झील दे कंडे प्रधानमंत्री हुंदे कन्नै योगासन करगंन।

<><><><><><>

Reasi Attack-Accused Arrested

9 जून गी रियासी च होए दे आतंकी हमले, जेहदे च 9 श्रद्धालु मारे गे हे, आले मामले च पुलसै गी इक बड्डी कामयाबी हासल होइ ऐ। पुलसै 45एं ब'रे दे हाकम नां दे इक आदमी गी रियासी च गिरफ्तार कीता ऐ जेहड़ा दस्सेया जा'रदा ऐ जे आतंकवादिएं लेई कम्म करदा हा उनेंगी इक गाइड दे तौरा पर मदद करदा हा, उंदे लेई रूट्टी, पानी ते ठैहरने दी बवस्था करदा हा। इस बारे जानकारी दिंदे होई एसएसपी रियासी मोहिता शर्मा होरें दस्सेआ.....

<><><><><><>

Encounter Baramulla

बारामुला जिले च कल छिड़े दे इक टाकरे च दऊं आतंकवादी मारे गे न ते दऊं सुरक्षा कर्मिं दे घायल होने दी खबर ऐ। जिले दे वाटरगाम इलाके च आतंकवादिएं दी मजूदगी बारे इक टकोहदी सूह थोने पर सुरक्षा बलें इलाकें गी घेरियै इक तुपाई अभियान चलाया जिसलै सुरक्षाबलें घेरा तंग कीता, तां उत्थें छप्पे दे आतंकवादिएं उंदे पर अन्नेबाह गोलियां चलाना शुरू करी दित्ता। एहदे पर जवाबी कारवाई मगरा टाकरा भखी पेआ। पुलसै दे इक वरिष्ठ अफसर नै जानकारी दित्ती ऐ जे टाकरे च दऊं आतंकवादी मारे गे न, जिदियां लोथां बी बरामद करी लैतियां गेइयां न। अजें कि उंदी पंछान ते उंदा ताल्लुक केहड़े आतंकी संगठन कन्नै हा, एहदा पता लाने लेई पड़ताल कीती जा'रदी ऐ। उनें दस्सेआ जे इक पुलसै दा इक जवान ते इक सैनिक जख्मी होआ ऐ।

<><><><><><>

President Murmu

राष्ट्रपति द्रौपदी मुर्मू हुंदा अज्ज जन्मदिन ऐ। इस मौके पर आकाशवाणी समाचार आस्सेआ साबका केन्द्री मंत्री स्मृति ईरानी हुंदे नै राष्ट्रपति हुंदी विशेष भेंटवार्ता दा प्रसारण कीता गेआ। राष्ट्रपति होरें आकाशवाणी कन्नै खास इंटरव्यू च अपनी जीवन यात्रा सांझी कीती। उनें दस्सेआ जे कियां उनें ओडिशा सरकार दे सिंचाई विभाग च इक जुनियर असिस्टेंट ते रायरंगपुर च श्री अरबिंदो संगठित शिक्षा ते शोध केन्द्र च अध्यापक दे तौर पर बी कम्म कीता। उनें झारखंड च पैहली महिला गवर्नर दे तौर पर बी अपनियां सेवा दित्तियां। राष्ट्रपति मुर्मू होरें गलाया जे शिक्षा इक बड़ा गै नेक पेशा ऐ ते ओह इसी सब्बने शा अब्बल कम्म मन्नदियां न। बक्ख-बक्ख खेत्तरें च कीते गेदे कम्मं बारे पुच्छे जाने पर उनें आखेआ जे असेंगी अपने हालात स्हाबै अपने आपा गी ढाली लैना लोड़चदा ऐ। राष्ट्रपति दे औहदे लेई मेदवार दे तौर पर चुने जाने बारे उनें गलाया जे एह खबर सुनियै उंदे ग्रां दे लोक मते खुश होई गे हे।

<><><><><><>

International Yoga Day

10में अंतर्राष्ट्रीय योग दिवस दी तैआरिएं गी दिक्खदे होई इक रिहर्सल सत्र दा आयोजन स्पोर्टस स्टेडियम डोडा ते टूरिस्ट गाठा पार्क भद्रवाह च कल कीता गेआ। इस आयोजन दा मकसद 21 जून 2024 गी योग दिवस दे मुख् कार्यक्रम गी बगैर कुसै रुकावअ दे बेहतर तालमेल कन्ने तोड़ चाढ़ने आस्तै कीता गेआ। इस सत्र च योग च दिलचस्पी रखने आलें समेत लोकें खरी मती गिनतरी च हिस्सा लैता। तोआई टूरिस्ट गाठा पार्क भद्रवाह च खूबसूरत वादिएं बश्कार लोकें योगासन ते ओम विलोम प्राणायाम जनेह सेहत लेई जरूरी गतिविधियें च हिस्सा लैता। 21 जून दे मुख् कार्यक्रम आस्तै तैआरियां जारी न ते जिला प्रशासन डोडा ने सारे योग प्रशिक्षकें, स्वयंसेविएं ते दुए भागीदारें दा उनें सैहयोग आस्तै धन्नबाद कीता।

<><><><><><>

Div.Com Jammu

डिवीजनल कमीशनर रमेश कुमार होरें कल यात्री सहायता केन्द्र लखनपुर दा दौरा कीता ते जम्मू थमां लखनपुर तोड़ी राष्ट्री जरनैली शिड़क दा निरीक्षण कीता। उनें श्री अमरनाथ यात्रा 2024 गी दिक्खदे होई जम्मू कश्मीर दे प्रवेश द्वार लखनपुर थमां तैआरिएं दा जायजा लैता। प्रोजेक्ट निदेशक एनएचएआई ते एसएसपी ट्रैफिक हुंदे कन्नै डिवीजनल कमीशनर होरें जम्मू सांबा ते कठुआ च राष्ट्री जरनैली शिड़क पर चला'रदे कम्मं दा मुआयना कीता। उनें सरबंघत अधिकारिएं गी राष्ट्री जरनैली शिड़क पर गड्डिडएं दी बिना रुकावअ दे आओजाई आस्तै शिड़क पूरी चाल्ली तैआर करने दे निर्देश दित्ते।

डिवीजनल कमीशनर होरें जिला अधिकारिएं ते एसएसपी ट्रैफिक ग्रामीण होरें गी नेही थाहरें दी पंछान करने आस्तै आखेआ जित्थें मता जाम लगदा ऐ तां जे गडिडएं दी असान आओजाई आस्तै होर मते कर्मचारी ते मशीनरी गी उत्थें कम्मं पर लाया जाई सकै। डिवीजनल कमीशनर होरें तरनाह नाले पर बना'रदे पुल दा मौके पर जाइयै जायजा लैता। इस पुल दा कम्म तौले गै पूरा होई जाग।

<><><><><><>

DC-Rajouri

मैह्कमे माल च लोक सेवा दी उपलब्धता गी बधाने आस्तै डीसी राजौरी ओम प्रकाश भगत होरें इक तफसीली बैठक दी अध्यक्षता कीती। भगत होरें तैहसील साब्वै जमीनी रिकार्ड दे डिजीटीकरण दा जायजा लैता ते डिजीटास्ड रिकार्डें गी जब्त करिये जमा कराने दे निर्देश दित्ते तां जे उंदी वैद्यता ते अखंडता पक्की कीती जाई सकै। एह्दे कन्नै गै उनें इंतकाम दे बकाया मामले दे नबेड़े दी जरूरत पर जोर दित्ता ते अधिकारिएं गी सारी बकाया अर्जिएं पर कम्म करने दे निर्देश दित्ते तां जे जमीनी रिकार्ड प्रबंधन गी होर बेहतर बनाया जाई सकै। विभाग दी ऑनलाइन सेवाएं बारे डीसी होरें अधिकारिएं गी निर्देश दित्ते जे लोकें तोड़ी इनें सेवाएं दा लाह बगैर कुसा रुकावट दे पजाने गी पक्क करन।

<><><><><><>

DC Rajouri-JKSSB

डिप्टी कमीशनर राजौरी ओम प्रकाश भगत ते एडीसी राजीव कुमार खजूरिया होरें होने आली जेकेएसएसबी परीक्ष दी तैआरी गी दिक्खदे होई कल बक्ख-बक्ख परीक्षा केन्द्रें दा दौरा कीता। 23 जून 2024 गी समाज कल्याण विभाग च सुपरवाइजर दी असामी आस्तै जेकेएसएसबी परीक्षा हायर सकेँडरी स्कूज डांगरी, न्यू एज पब्लिक हायर सकेँडरी स्कूल डांगरी, हिमालयन सुपर स्कूल डांगरी ते सरकारी जागतें दे मॉडल हायर सकेँडरी स्कूल राजौरी दा दौरा लाया ते परीक्षा आस्तै कीती गेदी तैआरिएं दा जायजा लैता। उनें सुरक्षा इंतजाम, बौहने ते दूई जरूरी सहूलियतें दा बी जायजा लैता तां जे 7 ज्हार 902 मेदवार मतेयान च असानी कन्नै बेई कसन। डिप्टी कमीशनर होरें मतेयान दी तैआरिएं पर तसल्ली जताई ते जोर देइयै आखेआ जे निर्देशें दा पालन करदे होई सारी तैआरियां कीती गेइयां न।

<><><><><><>

Ramban Women Empowerment

समाज कल्याण विभाग रामबन नै कल हाला धनद्राथ च इक जागरूकता कार्यक्रम दा आयोजन कीता जेहदे च महिला सशक्तिकरण ते नशीली चीजें दे इस्तेमाल दी रोकथाम आस्तै बक्ख-बक्ख स्कीमें बारे जानकारी दित्ती गई। जिला समाज कल्याण अधिकारी होरें संकल्प कार्यक्रम बारे दस्सेआ जेहदा मकसद महिलाएं गी मते ते पेशेवर विकास आस्तै मौके उपलब्ध करोआइयै उनेंगी सशक्त बनाना ऐ। उनें वन स्टाप सेंटर फॉर वूमैन यानि महिलाएं आस्तै सारी सेवाएं उपलब्ध कराने आस्तै इककै थाहर रामबन बारे दस्सेआ जित्थें विपदा च फसी दिएं महिलाएं दी मदद कीती जंदी ऐ। समाज कल्याण विभाग ते जिला प्रशासन आस्सेआ किट्ठे रलियै महिलाएं आस्तै सुरक्षत माहौल बनाने आस्तै केई गैइयां पुट्टियां गेदियां न ते नशीले चीजें दे इस्तेमाल गी रोकने लेई बी कोशशां जारी न।

<><><><><><>

Udhampur Cocoon

उधमपुर दे रेशम उत्पादन विकास विभाग नै कल रेशम दी खुबटिएं दी नीलामी दा आयोजन कीता। जम्मू कश्मीर ते बाहरे राज्यें थमां खरीददारें इस नीलामी च हिस्सा लैता। घज़अटोघट्ट 8 सौ रपे किलो दे स्हाबै रेशम दी खुबटियां बेची गेइयां तां जे करसानें गी अपनी रेशम दी पैदावार दे शैल भाह् थ्होई सकन। डीसी उधपुर होरें संवाददाता गी जानकारी दिंदे होई आखेआ.....

<><><><><><>